

# Patrie dal Friûl

Spedicion in abonament postâl gr. III/Publ. inf. 70%  
 Spedizione in abbonamento postale gr. III/Publ. inf. 70%

**sfuej dal moviment pe  
nacion furlane**



di bessoi

Edicions Clape Cultural Furlane Hermes di Colored

**a pro de autonomie politiche, de incressite  
economiche sociâl e culturâl, e de lenghe furlane.**

## PRESIDENT DE REPUBLICHE TALIANE A SON PASSÂTS 40 AGNS!

### Al President de Republiche taliane

O domandarin al President de Republiche taliane che nus ricevi. O domandarin a Francesco Cossiga che al scoltedi lis resons che nus an fat inviâ une raculte di firmis di citadins dal Stât talian che a partegin a lis dodis minoritâts lenghisticis/nacionâls, che a domandin la plene aplicatsion dal articol 6 de Constitutsion: «La Republiche e tutele cun normis dipueste lis minoritâts lenghisticis». O ricuardarin al President di cheste Republiche che cul 1m di zenar dal 1988 a colaran 40 agns che chel articol de Constitutsion nol è stât cjapât in consideratsion, e che dodis popui che a vivin drenti chest stât (undis dotâts di teritori e un, i tsingars, nomadis) a son daûr a pierdi la lôr identitât e a sei scancelâts parceche il Stât talian al à mancjât a la sô stesse Constitutsion.

No pratindarin che Cossiga nus dedi reson, che nus ricognossi lui al puest dal Parlament, dulà che sovrans a son i partits talians, che nus disedi lui cualis che a vressin di sei lis leçs buinis che nus coventin: i domandarin nome che, tant che garant massim de legalitât constituçionâl, al cjapi at che une cifre significative di citadins, che si ricognossin part di chês minoritâts lenghisticis che la Constitutsion e nomene, 1. a ricuadin che par 40 agns la Constitutsion no je stade respietade intai confronts lôr, 2. che l'art. 6 al à di sei aplicât, adimplen. Po o domandarin di sei scoltâts ancjemò une volte dai grups politics in Parlament, des Comissions dai Afârs Constituçionâls.

La Lee pa lis lenghis des natsionalitâts minoritariis dal stât talian si è risolvude di cjapâ cheste inisiativie par tornâ a movi cui che a Rome al è tornât a sentâsi in cont de leç di tutele che e varès di se stade «cuasi pronte» la legjisladure stade. E par fâle fâ miôr. O scugin cjapâ at che daspò lis eleçions, cundut che chenti in Friûl plui di une fuarce politiche si jere pronunciate e il PCI al veve indicât cualchi modifichie interessante al test ultin, e al veve dite che le varès sostignude, nuie nol sucêt. Il 34 Congrès Gjenerâl da la Lee a Roghudi (pais grecanic de Calabrie), in avost al veve cjapade su la maluserie che e vignive di dutis lis minoritâts: i delegâts le vevin pandude cence sparagnâsi. La Lee e decidè cussi di movi cu la raculte des cartulinis dal 40n aniversari de Constitutsion mancjade.

Amis che o leès chest sfuei, daspò tancj sfuarçs che o vin fat intal passât par movi lis cussiençis, par fâ rivâ in Parlament la nestre vôs, par fâ meti dongje une leç, no podin cumò no cîr di dâ la sburtade finâl. Personis e sociis, partits e clapis, daitis dongje intôr de inisiativie de Lelinami. Fasin in Friûl ce che a san za fasint lis setions sardis, catalanis, albanesis, grecanichis, crauatîs, ocitanis, francprovençalis, ladinis, todescjis, slovenis e rom da la Lee. Cjapin su in dôi mès une cifre significative di firmis.

A son indicâts i centris di raculte; e si po indreçasi a la Segreterie Gjenerâl. Lis cartulinis po tornin a puartâlis ai centris di raculte, parceche a Cossiga o volin lâ a puartâlis di persone in delegatsion.

Nol è timp di pierdi e di strassâ. Nol è timp di divisions. Nol è timp di pigritsie o di gjeiosie di inisiativie. La partide che o zuin le vincin o le pierdin ducj compagns parie. O no?

Adrjan Cescje  
Segretari Gjenerâl de LE.LI.NA.MI.

### La LE.LI.NA.MI e clame a la mobilitatsion Firmait! Faseit firmâ

Centris di raculte: 1. Negotsi Elettrocasa, Place Pecile, Udin; 2. Radio Onde Furlane, Via Volturno, Udin; 3. Negotsi «Vistiaris fins», Via Rome 6, Trevesin; 4. Sede MF, Vie Rome 8, Trevesin - tel. 0432/851626.

TORNÂ A PUARTÂ LIS CARTULINIS DENTRI FIN DAL AN



Friûl

Minoritâts linguistiche

- 1. ALBANISE
- 2. CATALANA
- 3. FRANCOPROVENÇALE (Franco)
- 4. FRIULANA
- 5. GRECANICA
- 6. LADINA
- 7. LOMBARDA
- 8. OCCITANA
- 9. SARDA
- 10. SLOVENA
- 11. ROM
- 12. ROM

#### 40° ANNIVERSARIO

1948 «La Repubblica tutela con apposite norme le minoranze linguistiche» (art. 6)

1988 La Repubblica non tutela ancora e discrimina le minoranze linguistiche





